

ORDENANZA REGULADORA DA TAXA POR ASISTENCIA E ESTANCIA EN FOGARES E RESIDENCIAS DE ANCIÁNS, GARDERÍAS INFANTÍS, ALBERGUES E OUTROS ESTABLECEMENTOS DE NATUREZA ANÁLOGA

ARTIGO 1º. NATUREZA E FUNDAMENTO

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordenación da Taxa por asistencia e estancia en fogares e residencias de anciáns, garderías infantís, albergues e outros establecementos de natureza análoga.

ARTIGO 2º. FEITO IMPOÑIBLE

Constitúen o feito imponible da taxa a prestación dos servizos por asistencia e estancia en fogares e residencias de anciáns, garderías infantís, albergues e outros establecementos de natureza análoga.

ARTIGO 3º. SUXEITOS PASIVOS

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que soliciten ou resulten beneficiadas ou afectadas polos servizos ou actividades que se detallan na tarifa desta taxa.

ARTIGO 4º. RESPONSABLES

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

ARTIGO 5º. COTA TRIBUTARIA

A cota desta taxa será a que figura no anexo desta ordenanza.

ARTIGO 6º. BENEFICIOS FISCAIS

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º. PERCEPCION

Percebese a taxa e nace a obriga de contribuír cando se presente a solicitude de prestación do servizo ou actividade.

ARTIGO 8º. LIQUIDACION

- Cando se trate de servizos ou actividades cunha liquidación que se poida cuantificar no momento de presentala solicitude de prestación para o primeiro período de liquidación, nos sucesivos liquidarase ó inicio de cada período de liquidación, en calidade de depósito previo (os períodos de liquidación veñen establecidos nas tarifas desta taxa: días, meses, curso académico, etc.)
- Cando se trate de servizos ou actividades cunha liquidación que non se poida cuantificar no momento de presentala solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade en cada un dos períodos de liquidación (días, meses, curso, etc., consonte o disposto na tarifa da taxa).
- Se se realiza a prestación do servizo ou a actividade sen mediar solicitude, liquidarase e notificarase a taxa tan axiña como se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

ARTIGO 9º. INGRESO

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servizo ou de levar a cabo a actividade, realizarase o ingreso antes da prestación do servizo ou da realización da actividade na Tesourería municipal ou nas entidades financeiras que se sinalen na liquidación.
- Cando se trate de liquidacións cunha cuantificación que non se poida efectuar con anterioridade á prestación do servizo ou da realización da actividade, farase o ingreso nos prazos e lugares que se sinalen na liquidación.

ARTIGO 10º. INFRACCIONS E SANCIONS

Nesta materia estarase ó disposto na Lei xeral tributaria e na normativa de desenvolvemento.

DISPOSICIÓN ADICIONAL ÚNICA

Cando existan os convenios de colaboración ós que fai referencia o artigo 27.2 da Lei 39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

DISPOSICIÓN FINAL

A presente ordenanza fiscal, cunha redacción definitiva aprobada na data que se expresa no anexo a esta ordenanza, entrará en vigor o mesmo día da súa publicación no Boletín Oficial da Provincia.

ANEXO

PRIMEIRO. TARIFA

1.—Establecemento da cota para a Gardería Infantil

Renta per capita familiar	mes cota + comida	total ptas.
Menos de 20.000 ptas/mes	Exento de pago	0.-ptas
De 20.001 a 30.000 ptas/mes	3.000 + 2.000 ptas	5.000.-ptas
De 30.001 a 40.001 ptas/mes	4.500 + 2.000 ptas	6.500.-ptas
De 40.001 a 55.000 ptas/mes	6.000 + 2.500 ptas	8.500.-ptas
de 55.001 a 70.000 ptas/mes	8.000 + 3.000 ptas	11.000.-ptas
De 70.001 a 85.000 ptas/mes	11.000 + 3.000 ptas	14.000.-ptas
de 85.000 en adelante, ptas/mes	12.500 + 3.000 ptas	15.500.-ptas

2.—Residencia da Terceira Idade

Liquidación de estancias na Residencia da Terceira Idade:

- Dende o momento do seu ingreso os Residentes participarán na financiación do custe das súas estancias, cunha aportación correspondente ó 75% da totalidade dos seus ingresos líquidos anuais precibidos, exceptuando o importe en concepto de pagas extraordinarias.
- Nos supostos de matrimonio ou persoas unidas maritalmente realizarase unha soa liquidación conxunta a nome do que suscriba a solicitude de ingreso.
- En períodos de ausencia do Centro por permisos ou internamentos en Centros Hospitalarios, os beneficiarios aboarán ó Centro o 40% dos seus ingresos líquidos durante o período, co límite máximo do 75% do custe real da praza segundo a tipoloxía.
- Os residentes que non teñan ningún tipo de ingresos estarán exentos do pago por calquera concepto.

SEGUNDO. Data de aprobación.....14/01/99

ORDENANZA REGULADORA DA TAXA POR ENSEÑANZAS ESPECIAIS NOS ESTABLECEMENTOS DOCENTES DO CONCELLO

ARTIGO 1º. NATUREZA E FUNDAMENTO

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, este Concello acorda a imposición e ordenación da Taxa por ensinanzas especiais en establecementos docentes municipais.

ARTIGO 2º. FEITO IMPOÑIBLE

Constitúen o feito imponible da taxa a prestación dos servizos de ensinanzas especiais nos establecementos docentes municipais.

ARTIGO 3º. SUXEITOS PASIVOS

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que soliciten ou resulten beneficiadas ou afectadas polos servizos ou actividades que se detallan na tarifa desta taxa.

ARTIGO 4º. RESPONSABLES

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

ARTIGO 5º. COTA TRIBUTARIA

A cota desta taxa será a que figura no anexo desta ordenanza.

ARTIGO 6º. BENEFICIOS FISCAIS

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º. PERCEPCION

Percíbese a taxa e nace a obriga de contribuír cando se inicie a prestación dos servizos ou a realización das actividades, aínda que se poderá esixilo depósito previo.

ARTIGO 8º. LIQUIDACION

- Cando se trate de servizos ou actividades cunha liquidación que se poida cuantificar no momento de presenta-la solicitude de prestación para o primeiro período de liquidación, nos sucesivos liquidarase ó inicio de cada período de liquidación, en calidade de depósito previo (os períodos de liquidación veñen establecidos nas tarifas desta taxa: días, meses, curso académico, etc.)
- Cando se trate de servizos ou actividades cunha liquidación que non se poida cuantificar no momento de presenta-la solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade en cada un dos períodos de liquidación (días meses, curso, etc., consonte o disposto na tarifa da taxa).
- Se se realiza a prestación do servizo ou a actividade sen mediar solicitude, liquidarase e notificarase a taxa tan axiña como se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.